

Na osnovu člana 15. Zakona o principima lokalne samouprave (Službene novine Federacije BiH, broj 49/06 i 51/09), člana 118. Statuta općine Trnovo („Službene novine Kantona Sarajevo“, broj 08/12), Budžeta Općine Trnovo za 2026. godinu („Službene novine Kantona Sarajevo“, broj 2/26), Odluke o izvršavanju Budžeta Općine Trnovo za 2026. godinu („Službene novine Kantona Sarajevo“, broj 2/26) i člana 3. Pravilnika za utvrđivanje prava na dodjelu jednokratne novčane pomoći broj 01-02-587/26 od 23.02.2026. godine, Općinski načelnik po ovlaštenju Općinskog vijeća broj: 01-02-2873/25 od 23.09.2025. godine, **o b j a v l j u j e**

JAVNI POZIV

za podnošenje zahtjeva za dodjelu jednokratne novčane pomoći za plaćanje troškova liječenja

I. Predmet Javnog poziva

Predmet ovog Javnog poziva je dodjela jednokratne novčane pomoći za plaćanje troškova liječenja licima koja ispunjavaju uslove propisane Pravilnikom o dodjeli jednokratne novčane pomoći za liječenje.

Jednokratna novčana pomoć može se odobriti za liječenje:

- a) u Bosni i Hercegovini;
- b) u inostranstvu, ukoliko se radi o oboljenju koje se ne može liječiti u Bosni i Hercegovini.

Pravo na jednokratnu novčanu pomoć može se ostvariti samo jednom, osim u izuzetno teškim slučajevima kada Općinski načelnik može posebnim rješenjem odobriti pomoć i licu koje je to pravo već ranije ostvarilo.

II. Opći uslovi

Pravo na dodjelu jednokratne novčane pomoći može ostvariti podnosilac zahtjeva koji:

- ima prijavljeno prebivalište na području Općine Trnovo najmanje 2 (dvije) godine prije raspisivanja Javnog poziva;
- priloži valjanu medicinsku dokumentaciju iz koje je vidljivo da se radi o oboljenju sa Liste oboljenja koja je sastavni dio Pravilnika;
- ukupna primanja članova domaćinstva ne prelaze iznos prosječne plaće u Federaciji BiH u godini prije raspisivanja Javnog poziva;
- nije ranije ostvario pravo na jednokratnu novčanu pomoć za liječenje (osim u izuzetnim slučajevima).

III. Posebni uslovi (za liječenje u inostranstvu)

Pored općih uslova, podnosilac zahtjeva mora ispunjavati i sljedeće:

- da se oboljenje ne može liječiti u Federaciji BiH, u skladu sa Pravilnikom o uvjetima i postupku upućivanja osiguranih lica na liječenje u inostranstvo;

- da je pribavljen prijedlog univerzitetsko-kliničke bolnice uz mišljenje liječničkog konzilija;
- da dostavi predračun troškova liječenja u inostranstvu sa specifikacijom troškova, odnosno dokaze o nastalim troškovima ako je liječenje započeto ili završeno.

IV. Potrebna dokumentacija

Uz zahtjev je potrebno priložiti:

1. Uvjerenje o kretanju;
2. Kućnu listu;
3. Dokaz o primanjima svih članova domaćinstva;
4. Medicinsku dokumentaciju ne stariju od dvije godine;
5. Dodatnu dokumentaciju za liječenje u inostranstvu (ako je primjenjivo);
6. Potvrdu nadležne službe da ranije nije ostvario pravo po istom osnovu.

Općina zadržava pravo tražiti dodatnu dokumentaciju.

V. Postupak odlučivanja

Komisija imenovana od strane Općinskog načelnika razmatra pristigle zahtjeve svaka tri mjeseca i vodi zapisnik o ocjeni zahtjeva.

Na osnovu preporuke Komisije, Općinski načelnik donosi Odluku o iznosu jednokratne novčane pomoći.

Nepotpuni zahtjevi neće biti razmatrani.

VI. Način podnošenja zahtjeva

Zahtjev se podnosi lično ili putem pošte na adresu:

Općina Trnovo

Služba za opću upravu, civilnu zaštitu, boračko-invalidsku, dječiju i socijalnu zaštitu
Trnovo 36.

Sa naznakom:

„Prijava na Javni poziv – Jednokratna pomoć za liječenje“

VII. Trajanje Javnog poziva

Javni poziv ostaje otvoren do utroška predviđenih sredstava odnosno do kraja tekuće godine.

Broj: 02-04-743/26
Trnovo, 04.03.2026. godine.

OPĆINSKI NAČELNIK
PO OVLAŠTENJU OPĆINSKOG VIJEĆA
MIRSAD MEŠIĆ S.R.